


5563.7
0323.1
v. 2

春亭續集

二

BERKELEY
LIBRARY
UNIVERSITY OF
CALIFORNIA

卷二



春亭先生續集卷之三

附錄

太祖實錄

四年乙亥春正月

丙申朔

戊午檢校判中樞院事卞玉

蘭卒玉蘭密陽人贈贊成事元之子監察御史玄仁
之後年未冠丁內憂服闋卽告于母曰赴京從仕以
繼祖先母以年幼止之固請以行仕前朝至正丙戌
拜掖庭內侍伯積官至禮賓寺丞庚子判官晉州丁
未秋以曲法正郎出按全羅道戊申少尹和寧壬子
爲水原府使乙卯拜繕工判事丙辰移判內府楊廣

道按廉使辛元佐以水原人褒狀轉聞授曲農判事
階通憲尋加奉翊出牧清州庚申又牧忠州丁母憂
服闋居閒十年庚午拜戶曹判書尋遷兵曹吏曹兩
判書壬申上卽位賜原從功臣之號癸酉授檢校
判中樞院事蓋老之也至是病卒于家年七十四訃
聞上悼甚曰此老子欲用實中樞已無及矣玉蘭
天姿剛明秉心仁恕鄉黨稱其孝友歷官京外俱有
成效常訓子弟事君當以至誠奉公當以克勤慎勿
以趨勢殖貨爲意其忠君憂國之志至老不衰子二
仲良李良俱登科仲良官至右副承旨李良今爲藝

文館提學

太宗實錄

七年丁亥四月

乙酉朔

丙午御仁政殿放親試文科榜

賜藝文館直提學卞季良乙科第一等超拜禮曹參

議賜牌賜花賜蓋成行三日命賜田二十結又賜本

鄉奴婢各一口○八月

壬午朔

丙午行仲月賦詩之法

從權近之言也領藝文春秋館事河崙知春秋館事

權近藝文館大提學成石因等與館閣提學二品以

上會藝文館出詩表二題令時散三品以下文臣各

於私家賦之限三日以呈禮曹參議卞季良爲第一

自是每當春秋仲月以爲常例

八年戊子春正月

朔庚戌

戊寅以禮曹參議卞季良成

均大司成柳伯淳爲生員試員○冬十月

朔乙亥

己亥

以卞季良契偁兼左右輔德○十一月

朔乙巳

癸丑吉

昌君權近上臺諫職任事日上言曰今月初七日禮

曹參議卞季良正郎張贊等敬奉王旨令與臣近同

考臺諫職任事目條列投進以聞

九年己丑三月

朔甲辰

癸亥右輔德卞季良等復諫令

世子習射之早不允○閏四月

朔癸卯

乙卯以卞季良

爲藝文館提學同知春秋館事○八月

朔庚子

己酉以

卞季良爲同知經筵事蓋欲禪位世子也○丙寅下

王旨于議政府云云

見原集

上召提學卞季良入內

卽命製之

十年庚寅春正月

戊辰朔

戊寅領春秋館事河崙知館

事柳觀同知館事鄭以吾卞季良始撰

太祖實錄

○六月

丙申朔

甲寅命藝文館提學卞季良就職季良

啓曰刑曹員吏以臣之故得罪流貶願釋之不報○

丁巳藝文館提學卞季良上箋請辭職不允其箋以

爲身纏疾病不能當任苟免刑罰非儒者所安小器

易滿過蒙聖恩

詳見原集

上覽訖下箋于政院曰予未

知要領卿等以爲如何諸代言啓曰此箋有三意疾
病則臣等所共知也刑罰則非苟免乃從正而沒也
又有孤根難立之語豈可言於盛朝也哉 上曰予
亦以謂如此卿等無多言乃還其箋○秋七月丙寅朔
丁丑命禮曹加謚故王師妙嚴尊者又命藝文館提
學卞季良製碑銘現妙嚴卽無學也 上以 上王
尊信而力請故有是命○八月樹碑于文廟碑文云
云見原藝文館提學卞季良所撰也

十一年辛卯九月紀末乙酉賜藝文館提學卞季良
田二十結賜牌曰予於丁亥四月親試儒臣第其高

下取十人焉卿擢居乙科第一人予嘉乃才賜田二十結奴一婢一卿其子孫相傳第二人以下皆受牌田數有差此田與奴婢當初擢第時已賜矣厥後凡例賜田還收故有是命也

十二年壬辰三月

乙酉朔

丙午以卞季良爲世子右副

賓客○六月

甲寅朔

己卯檢校判漢城府事卞季良上

箋辭不允箋曰云云

上見

上覽之還其書命復就職

召司憲府傳旨曰雖聖人未免有小過況其下者乎

若今罷季良之職於文翰之任誰能當之○九月

癸

朔丁酉命藝文館提學卞季良製光化門樓鍾銘其

文曰云云親原戶曹判書韓尚敬書之

十四年甲午二月朔乙巳庚午命監春秋館事南在同

知春秋館事卞季良藝文館提學金汝知掌會試取
新生員趙瑞康等三十三人權蹈成概李賀李隨皆
朝士也而無中試者可見掌試之公也

十五年乙未春正月朔庚子乙丑卞季良爲藝文館提

學○引見世子賓客李來卞季良於經筵廳屏人教
曰此見世子私近檢小卿等職在輔導何不諫止設
置師友正欲涵養德性而學孝悌忠信之道也四者
之中果有一乎世子天資魁偉不可謂不美也而學

問涵養則都無成效非卿等所當熟慮乎來等惶悚
遂與貳師劉敞賓客閔汝翼率書筵官詣東宮歷致
上命因枚舉前後失德敞伏地流涕悲不自勝辭
氣慨切汝翼季良及其在左右者無不感泣世子撫
然愧謝○六月朔兩寅壬申 上召掌務命曰予自卽
位以來頻年遇旱而今年尤甚致旱之由其議以聞
分遣注書于前大提學鄭以吾藝文館提學卞季良
之第命占雨期○乙亥命藝文館提學卞季良往晉
山府院君河崙第議銅錢法 上曰布帛收稅中國
明王之遺法今者三十稅一其不滿二十張者計紙

收之有同兒戲文獻通攷有銅鐵鉛錫四等錢法今
欲行之庶便於布帛收稅無奇眊之患又恐盜鑄然
當有禁鑄之令且昔日用布亦聽民織造雖其盜鑄
亦何傷乎季良往傳 上旨崙謂中朝楮幣惟一千
文之外又有九百至一百文者初建行楮幣之時亦
欲續請造小楮幣以今大鈔準一千文降殺以十自
九百至一百作九等楮貨庶便於布帛收稅且尤利
於民間數升買賣矣季良復命明日六曹上議仍命
宦官宦間往復論難造小楮貨優否於承政院且問
小楮信文當用何物知申事柳忠訥謂中國舊用錢

故以錢貫多少爲楮貨之信若以米升爲計則米價
多少隨時高下不可準擬本國旣以布匹爲楮貨之
信以布匹尺數分其等第以三十五尺爲極數降以
三尺分爲九等庶便於用然尚有零數不能推移假
如今以楮貨一張買紙六十張一升米買紙六張著
稅之法木綿一匹收紙三十張正五升布收紙十張
今者正五升布一匹收紙十二張則太多若減取則
又積小成多遺利甚多固不若鑄錢行用箇箇取之
之爲便且整齊也左代言卓愼言大鈔之外只造十
分之一之小鈔只以大小用之庶愚民不見欺於奸

商且用之爲便左副代言趙末生請依河崙之言而
或盈或縮之物不在收稅之例紛紜未決 上命崔
閒宣曰吾將文獻通考於承政院令詳考造錢之法
又念前朝有國五百餘年未嘗用此法 太祖亦未
嘗用之至吾身何爲勞心焦思以斂衆怨乎收稅之
法亦當不用矣 上意蓋慮鈔法民不樂用欲因行
用銅錢馴致改之患訥贊之云○十二月甲子朔戊寅
下 王旨于春秋館前一日 上命議政府參贊黃
喜吏曹判書朴訥知中事柳思訥備書閔氏陰慘狡
猾元尹禔初生時令母子置於死地罪欲下 王旨

以製述未稱意不果嘗啓人臣雖當飲食祝君多壽
多男王子生日安有如此者乎雖不下 王旨臣等
既得聞之其敢默默不請傳旨曰予更商量翼日召
敬承府尹卞季良製 王旨下春秋館曰云云上見旨
既下知館事李叔蕃欲錄旨移文臺諫領館事河崙
遲之叔蕃以危動崙崙不敢違

十六年丙申夏四月

癸亥朔

己卯加敬承府尹卞季良

修文殿提學左議政河崙囑卞季良銘其先墓神道

碑親原

原

令朴熙中書之○六月

辛酉朔

敬承府尹卞季

良上書曰云云

親原

上頗然之乃出冊府元龜于

朝啓廳示以所載天子祭天地諸侯祭山川之語六
曹判書及代言等啓曰此卽禮之常也遇旱而祈天
其亦可哉於是命李良製祭天文諭以自責之意甚
悉李良製進稱旨賜厩馬一匹○八月庚申朔甲戌親
試文武科于慶會樓下奉迎上王以觀之命晉山
府院君河崙禮曹判書趙庸藝文館提學卞季良知
申事趙末生判通禮門事李迹等掌文科試通訓以
下皆令赴試○九月癸丑朔乙未世子賓客卞季良等
詣闕請進講中庸於世子上曰自古易子而教且
年旣壯矣予不能教也卿等教以中庸使通其義與

心爲一一曰孺善鄭招等聞世子殿有鷹子聲請出
之世子曰此小物也予非以此馳騁但見之而已幸
毋告于賓客是時忠寧大君吟好學賓客李來卞李
良等屢於書筵稱美以激世子季良每問大君侍官
云所讀何書對曰讀某書必稱歎之○十月朔己未
己名賓客卞季良等曰予欲於講武率世子以行世
子請留學問如何季良對曰治亂無常武事亦不可
不學然竊聞世子射御己能留而學問可矣 上曰
留之可也

十七年丁酉春正月

朔

子乙

己禮曹判書孟忠誠藝

文館提學卞季良等掌生員試取權採等百人○藝
文館上春秋等製述之法春秋製述誠爲令典然製
述之限過於三日似爲遲緩自今每於春秋仲月值
衙日館閣兩府以上三次會于議政府出律詩題限
其日午時古詩亦然之表箋則限未時收券第其高
下前衙三品至四品於藝文館朝房五六品至參外
成均館朝房亦令聚會製述何如從之提學卞季良
左議政朴言之志也○三月丁亥朔壬寅命領議政南
在禮曹判書孟忠誠藝文館提學卞季良試文科在
等詣闕啓曰今使赴試人爲白日場三館以不緊過

失久立于門外甚爲無藝自今仕路不通者則明白
告課停舉其餘不緊犯過者毋使立門允之○壬申
命囚前判官李昇前少尹權堡樂工李法華宦者金
奇等于義禁府初樂工李五方潛入東宮因譽前中
樞郭璇妾於里色藝俱絕世子卽令五方圖之五方
乃與其徒洪萬請於璇之甥女夫權堡堡曰敢不從
命使其妾桂枝言于於里不應法華告世子曰不如
送信物卽使小宦遺繡囊於里辭之強置而還於里
指告璇養子李昇仍宿其家法華奔告世子曰機不
可失世子率小豎越宮牆徒行至五方家偕至昇家

求於里昇不聽強之而後見之遂與之宿于法華家
納置宮中世子以弓送于昇於里亦送絹于昇妻昇
受弓而不受絹欲聞于上世子使人詰之曰汝以
吾所爲將告憲府刑曹乎告諸何處昇懼不果聞會
殿別監小斤同本金漢老家奴與水賜婢相戲漢老
知之啓于上曰小斤同有所犯請問其罪上命
內官崔閒問之小斤同惶懼不知所指以於里事答
之 上聞之大怒卽召昇問其由昇告曰前年季冬
臣率家小自郭璇所居積城縣還京於里以欲見京
中親族爲辭璇許之卽與臣同來數日謂臣曰近有

奇事桂枝始言孝寧大君欲見汝後言世子欲見汝
予答曰妾本有疾色且不美况今夫在此何言也臣
驚懼使婢于堡家言桂枝作媒之事堡答曰近日出
去不返未知其所之也日昏人有叩門者呼奴視之
乃宦官金奇也奇曰世子亦來臣聞之顛倒衣冠出
見俯伏世子乃曰速出於里予不得已從之世子率
行其後臣未知其所之也 上曰如此大事何不啓
聞乎昇曰初欲啓聞堡來止之曰汝之啓達正如諺
所謂與妹訴兄也臣未知所處不卽啓達命趙末生
輓昇一百收其職牒又名權堡問之匿不以告俱下

義禁府命參贊尹向右副代言睦進恭與刑曹臺諫
雜治之遣知事金士文于公州執五方以來都事楊
秩于鏡城執具宗秀以來命囚三軍鎮撫印仁敬于
義禁府仁敬把直東宮門不謹故也命議政府六曹
臺諫議權堡李昇五方法華之罪僉曰右人等若欲
世子之享福也則何至於斯是使世子陷於不義也
何異叛逆乎且不念殿下欲世子爲善之意而要
得世子一時之樂其不忠於上亦明矣請依律施行
以戒後來使世子之前後左右皆正人也則世子足
以遷善改過矣上曰卿等之言無異古人之論羣

臣皆出。上留趙末生李原議曰世子之行若是欲效放太甲古事如何原對曰世子天質本美若除逢迎者擇正人教之則必改過遷善矣。上然之遣舍人沈道源于朴嘗第議李昇等之罪嘗曰臣昔論宗秀之時若從臣言早斬宗秀必無今日之事臣謂昇等無上無上是逆引儲副於昏亂誤其國本。上曰必以臣言爲過凌遲處死亦可矣道源以啓。上曰已知之矣賓客卞季良李孟昉卓愼等啓曰使世子至於如此實臣等未能教導之使然也世子昔在治宗秀之時與臣等言曰吾今然後必不爲此等事若

不悛改復蹈前轍則上雖以父子至恩不卽加罪
天豈不知臣等聞此言記自警之辭貼于書筵廳之
壁豈知今日之事又至於此臣等所以惶悚也臣等
誠願將此等人斷以大義以戒後來上曰此非卿
等之罪也予以父尚不能教以義方况卿等乎仍傳
旨曰昔伊尹臣也使太甲處于桐宮處仁遷義是能
改之者也世子不能改之者也季良等曰臣等無由
報上但願世子通於事理立心平正至孝殿下
豈謂至於如此實臣等未能教導使然罪不可容傳
教季良曰昔予任實之行卿以世子久闕定省發言

而至於泣下予聞卿言謂有古人輔導世子之道也
何誓天曰改行纔踰二旬復蹈前轍乎季良等曰世
子天資過人非難改者也若除如此之輩一朝遷善
改過 上曰 太祖神聖文武卿等所知今世子無
一焉何以洗朝鮮萬世之恥乎予之言 太祖之事
有由矣季良曰臣等已知 上教矣 太祖才德兼
全朝鮮臣子孰不知之至於愚夫愚婦亦皆知之矣
○丙午 上傳旨于世子曰自今毋進見令知申事
趙末生召右輔德趙瑞老等宣傳曰世子言於賓客
自警自責告于宗廟予喜之然世子曾行不義作自

警箴指天爲誓曰吾又不義 上位父也容或赦我
天其赦之乎書廷官書諸壁上尋爲不義欺我欺天
今雖告廟予豈信哉故必俟如文王爲世子時之所
行乃著然後吾待以父子之道矣今宗秀之等以世
子故就戮雖其自取老母存焉如此之刑予固不意
予之今日所懷將誰與語是意當諭賓客卞季良卓
愼李孟昀并諭世子○甲戌命置世子于贊成金漢
老之第停供上賓客卞季良卓愼等詣闕啓曰今日
臣等進 王世子之邸極陳世子敗度縱欲以動
上念世子伏地每言嗟唏悔過曰吾今而後願不復

如是也季良告之曰世子曩者深聽具宗秀之誘敢
行不道致 上位動念而世子悔過自誓曰 上位

父也終有所恤惟天豈恤我乎丁寧告 上不過一

月而又有是舉世子雖曰我勿復如是某等何敢遽

信世子曰慎勿復如是也傳旨曰卿等以其賓師進

見矣然世子曾指天爲辭而今不能踐言吾何信聽

且誠心悔過之迹示人最難其迹將何以示我乎卿

歸更問以來蓋 上以世子荒淫而不率君父之訓

知終不可以訓誨而變化其氣質也欲令世子敬畏

神明而庶幾改行易慮密教季良等曰卿等極陳世

子之失使之悔悟俾世子警告宗廟以無復蹈前日之行季良等回告世子以王旨世子聞命曰予之心則至矣而不知所以爲之願賓客等明以指我我惟指是從季良等曰在世子從心言之而已非某等所得而指之也世子曰予曾諸闕警告曰予若不改前行不得其死今亦以是告之若何季良等曰此非特言之不詳實無誠敬改過之迹也何可以是以告乎世子仰而思之曰心則至矣而不知所以言之願賓客等明以教我我皆從之季良等曰若告天告文昭殿告社稷告宗廟則可矣然天與社稷則遠矣祖宗

昭昭之靈尤不可以妄告既告之後祖宗之靈其可欺乎 殿下亦謂世子既告宗廟之靈則將不復行前日之不道某等亦皆信聽是以某等以告宗廟爲切世子仰而思之良久乃曰我將何顏而見宗廟祖宗之靈之前乎慎告曰是言誠是矣然世子無乃以謂告宗廟則不可復行前日之事有所憚而發是言歟世子曰是何言歟不謂是也我將告之告宗廟誓文願賓客等聽我言而製之既告宗廟之後又欲上書并製之季良等聞之詣闕以啓 上曰然矣若誠心改過而告宗廟則予何不信既告宗廟而又如前

日則是實欺祖宗之靈也予何不信哉○四月丁巳

甲子幸景福宮御慶會樓下覆試文武科文科以禮

曹判書孟思誠藝文館提學卞季良及知中事趙末

生爲讀券官取韓惠等三十三人○丁丑卞季良

爲藝文館大提學○壬寅卞季良爲禮曹判書○

閏五月丙辰庚申祈雨于宗廟社稷雩社圓壇判書

卞季良之請也○甲子議文科事宜上曰三經以

上臨文考講可也禮曹判書卞季良不可曰雖不臨

文尚有好惡上曰何好惡之有季良曰臣再掌國

試好惡豈可以無也上曰有臺諫安有好惡且三

經不可禮記則與史相近不必師授易雖難曉妙理
然亦易讀四經以上臨文考講可也且國之大事予
不可獨斷與諸卿議季良又啓欲禁場中燈燭上
曰才各有遲速而隨其遲速有善有惡大抵善述者
必遲昔興安君李仁復不能急作如有述作左右布
列經書而述之甚苦既述必善以此推之白日場無
乃失人乎季良曰白日場可也臣再掌國試過夜則
弊不少去年景福宮親試尚有犯法者義禁府執而
巡之晉山府院君河崙驚怒促出場中之人白日亦
不失人也上曰此時亦有此弊乎知申事趙求生

啓曰臨文講試之法許稠嘗謂臣曰晉山府院君常言之矣上曰晉山府院君亦言之乎果合予意若假濫之弊在堅禁與否耳左右皆曰雖不禁考講則必無弊矣今年考講故未滿經數者皆未赴試但甲午年有此弊上曰假濫者得中試乎左右曰皆不中試李良執不可曰白日場可也○丁卯上顧謂清城府院君鄭擢禮曹判書卞季良曰昔予受大學衍義於府院君至宦官陳弘志至青尼驛封殺之文府院君以爲封猶封劔之封以封殺之也卞判書訓世子以何義子自受讀以來常不協於心今觀韻會

糴封之註封界也疆也看此予意乃鮮是必至青尼
封以杖殺之也 上好看書史間有所疑必究而後

已故讀衍義有年辨釋如此○六月朔禮曹判書

卞季良請分遣成均校書承文院權知于郡縣訓誨

生徒啓曰云云現從之惟承文院以隸習吏文不遣

○辛亥禮曹判書卞季良請禁紅染衣啓曰上國使

臣迎接之時請禁之 上曰紅色非屬上柰何禁之

昔予卽位未久坐於黃綾褥卒攸丞李舒告曰坐褥

色黃宜速改之予聞此言不覺汗出紅色則非黃之

比也○秋七月甲寅辛酉賜禮曹判書卞季良綿布

三匹麻布二匹仍曰卞判書寒生且勤勞於多事之時空特賜之○戊辰分賜段子及彩絹于昌寧府院君成石璘禮曹判書卞季良等各紵絲一匹仍傳旨曰皇帝賜與之物不空專用故於各殿已皆分上予亦欲擇紵絲一匹製衣以服今大臣亦宜服之○庚辰兩使臣遊楊花渡加乙頭命禮曹供辦命吏曹判書沈溫禮曹判書卞季良等參宴○庚子御便殿視事上謂柳廷顯等曰歲在丙申旱氣太甚卞季良以圓壇祈雨陳言上書辭甚懇切予以悶雨之至從其請今見三國史以諸侯而行圓壇祭者非是季良

對曰前朝行圓壇祭其來尚矣前朝亦豈無考歟當其旱甚祈天禱雨臣意以爲然矣上曰予徧見三國史諸侯而行僭禮者莫不以爲非且魯之郊禘聖人非之自古以來下行僭禮而見是於經史無有矣予雖當旱祈雨知其非是則欲勿爲也○辛亥議臧獲公文柳廷顯啓曰私奴婢公文成給已有定議請定限年可成給不可定數若定數人人不肯卞李良曰必須定數不限其數而一家或多至千餘口後來何觀多不過百五十爲數上曰卿言是矣然不可定數雖千餘口者有子孫必分之雖無子孫使孫收

養中分之必無餘數掌令李賀曰不可不定數但百五十口爲少約二百口可也百五十口則臣亦餒望臣有二百餘口六曹啓定數不宣傳旨曰勿露定數之言成給可也且多者雖分於子孫一族餘數不可不知○九月癸丑己巳初定太祖及神懿王太

后忌晨原廟之祭卞季良嘗爲詳定所提調議於禮曹曰設齊佛祠闕祭原廟不可欲上啓曰請祭文昭殿參議許稠知申事金汝知沮之至是季良上言行之○十二月壬午朔乙未禮曹上親享禮節次初卞季良啓請宗廟親祭每室獻爵行再拜入小次坐歇至

飲福就位飲福

上曰每室再拜則可矣入小次坐

歇則未便以予身觀之世子獻爵於予入小次其弟

以次獻盞時世子愬然退去予及世子之意如何考

古文以聞季良曰宋高宗時有此禮高宗於親祀宗

廟時設小次於阼階東獻爵訖入小次以待亞獻且

每室灌匭及酌獻後出戶外再拜

上曰祭儀已有

定制大臣各以所見更立法制當何時定乎高宗誠

賢君然在位三十餘年此法無乃在老耄時乎況入

小次非祖宗之命何以局於此季良對曰上久立

堂下亞終獻心必未安思欲速行獻禮恐未全誠敬

且祖宗之靈亦必不寧於殿下之久立矣不允

十八年戊戌春正月

壬子

庚申司憲府劾禮曹判書

卞李良參判許稠及佐郎俟循等罪初循移進獻物

曰于承文院誤加五味子百斤李良等自覺詣承政

院上達

上曰覺舉之速善矣至是憲司以不敬其

職請罪

上問趙末生河演等曰罪宜不宥然李良

與稠合於禮曹之任且清寒未受祿奈何末生對曰

關係重事罪不可宥若遷無權要之職受其祿而亦

足以懲命罷職○壬戌以下李良爲藝文館大提學

○甲子世子以未寧停講賓客下李良曰近因使臣

久闕講論且新年不始學竊爲邸下惜之學貴於日
進請待明聽講世子答以未寧甚賓客更請世子曰
然則賓客臺諫出待體氣舒平日午溫故賓客等曰
初以未寧辭又欲溫故某等浚謝且聞未寧敢爲請
似乎愚惑然非爲己欲補邸下之德也請之至五然
後聽講世子曰吾之起寢進膳之節告于書筵官何
因仍不已乎輔德趙瑞老曰何日用所爲忌外人之
知乎卞季良亦曰昔程子奏曰宮中之事皆使經筵
官知以天子之尊尚且如此況儲副乎某等亦謂此
事有益於邸下而起居膳羞之大節使近侍不可不

知世子曰然○三月

辛亥

癸丑命同副代言成梓

津寬寺爲誠寧大君設水陸齋賜祭教書曰云云

親

集卞季良之辭也

兩殿悲哀之極凡薦導誠寧之

事無所不至

上覽教書至半不覺噓唏不忍終篇

卻之曰予之情意盡矣○甲寅名藝文館大提學卞

季良問鬼神感應之理季良對曰鬼神非在彼而祭

則來享有其誠有其神無其誠無其神我致誠敬鬼

神成於我之誠敬而來格也

上曰此說與佛氏舍

利分身之說相類益悲痛誠寧有是問也○四月甲

申創昭頃公墳庵命前摠制趙庸製墓誌大提學卞

季良製神道碑銘

見原集

皆使直藝文館成槩書之○

五月

庚戌朔

壬申命司僕寺自今世子出入必待予命

乃進鞍馬名右賓客卞季良傳教曰書筵賓客等誰

歟對曰趙庸金汝知卓愼及臣也上曰捨此更無

他求求之中國可得求於本國則更不得也古者有

賜死其母而子爲太子者金漢老雖罪淑嬪何罪欲

還納殿季良啓曰婦人內夫家以夫爲重也淑嬪之

情豈欲彰世子之過乎於婦道得矣還殿甚當臣嘗

欲啓而不敢也上曰古者亦有不可多設宿衛之

議罷宿衛司速毛赤等何如季良曰無益於世子罷

之以待自新復立可也但久罷書延不可世子有過
尤勤講經請速復設上曰予當復設其僚屬精加
選擇世子當兵曹官員傳教之曰聲言曰欲處百姓
之家其不恭如此欲使卿往言其過淑嬪本家奴婢
不許一口入殿季良對曰世子之欲處百姓家者豈
有他心恐其欺天欺宗廟欺父欺君自怨自責也昵
愛於里成疾則不可不慮屏諸遐方不使密通上
曰三省請漢老之罪予當不置於法然欲使世子絕
不爲親季良曰雖至親有罪不親例也況外舅乎
上曰卿之言是遣崔閒于漢京還淑嬪于本殿且命

復書延○丙子世子貳師劉敞左賓客金汝知右賓
客卞季良啓曰漢老世子之舅也而以不義誘之願
俾世子絕不爲親 上乃下旨刑曹令世子絕漢老
不以爲親○己卯世子遣內官朴枝生上書 上覽
之出示六代言及卞季良曰此言皆辱子所謂夫子
未出於正之辭也予若有愧何示此於爾等予欲明
辨使季良製答書啓曰此事皆妄何足與答但使大
臣舉義責之可也 上曰可○六月壬午廢世子禔
放于廣州以忠寧大君爲 王世子 上曰百官狀
辭予覽之竦身是天已去之也乃從之領議政柳廷

顯左議政朴宣右議政韓尚敬玉川府院君劉敞清
城府院君鄭擢贊成崔迺兵曹判書朴信漢平君趙
涓平城君趙狷長川君李從茂判左軍都摠制府事
李和英吏曹判書李原谷山君延嗣宗工曹判書沈
溫都摠制朴子青李澄大提學卞季良知敦寧府事
金九德刑曹判書朴習參贊金漸摠制權希達柳殷
之崔潤德崔沄文繼宗洪敷洪涉李培金貴寶文孝
宗尹惟忠禮曹參判申商兵曹參判李春生同知敦
寧府事李湛工曹參判李迹府尹李原恆戶曹參判
李潑府尹閔繼生司諫鄭尚執義許揆等會于朝啓

廳○秋七月命崔閒傳教朴嘗等曰主上未壯之前
其軍國難斷之事令議政府六曹各陳可否予當參
與嘗與李原啓請作教書諭以辭位之意 上乃命
禮曹判書卞季良作傳位教書 現命百官詣景福宮
陳賀是日庚時文武百官具朝服班序景福宮殿庭
世子服絳紗袍遠遊冠御勤政殿受百官朝賀○戊
子 上使知申事李明德啓於 父王曰願上尊號
爲太上王 父王曰當以 上王爲太上王以予爲
上王予非敢謙德以天倫之序也主上欲孝於我須
從我言然非予所自擅當從宰相之僉議也明德反

命上曰其令政府六曹擬議以聞柳廷顯等曰

上王雖先卽位父王功德深重况上受位於父

王則當由親而及疎空尊父王爲太上王上王

則仍爲上王也下李良等曰爲之後者爲之子則當

論卽位先後不可以功德空尊上王爲太上王

父王爲上王旣而上王亦遣人曰太上二字非予

所敢當於是寢仁德宮太上王尊號

今上三年辛丑九月丁卯議政府參贊下李良禮曹

參判河演詣樂天亭進文武百官請加上尊號箋

見原

是上乃許之

四年壬寅九月

乙卯

庚申葬于

獻陵命藝文館大

提學李良撰神道碑文

見原集

春亭先生續集卷之三

三

春亭先生續集卷之三

春亭先生續集卷之四

附錄

世宗實錄

戊戌八月戊子以下季良爲禮曹判書知經筵事○
壬辰 上王親詣健元陵行秋夕祭兼告傳位領議
政韓尚敬戶曹判書崔述禮曹判書下季良扈駕○
癸亥吏曹判書鄭易禮曹判書下季良等合司啓曰
上王慮年歉停各殿遠道進上臣等以爲 殿下
以國奉 父王乃以弊停進上物膳恐有違奉養之
意縱不能復一朔再進之制請依近一月一進之教

上曰順承是乃孝也上王慮民臣艱苦命除之

予不敢以請○癸未始開經筵領經筵事朴嘗李原知經筵事柳觀卞季良同知經筵事李之剛參贊官河演金益精李隨尹淮侍講官鄭招柳穎侍讀官成槩檢討官金禧副檢討官權蹈等進講大學衍義

上曰設科取士欲得實才何以則令士去浮華之習季良之剛等對曰初場以疑義觀經學終場以對策觀適用此初立法之意也近學生不務實學改立初場講經之法由此英銳可用之才皆趨武科上曰講經最難今雖使卞三宰講安能盡通乎仍命領經

延外同知經筵以上一日一員進講侍讀以下分三
番進講參贊金益精李隨尹淮亦一日一員進講○
甲辰 上王置酒迎慰 上孝寧大君補領敦寧柳
廷顯左議政朴訔右議政李原參贊卞李良吏曹判
書鄭易戶曹判書崔迺禮曹判書許稠工曹判書孟
忠誠兵曹參判李明德大司憲許遲司諫鄭守弘及
六代言侍宴 上王謂羣臣曰聞卿等請芳幹父子
及朴蔓任純禮申孝昌鄭龍壽李叔蕃黃喜廉致庸
房文仲權約之罪以爲君父之讐豈不可不復所謂復
讐者以父不能有爲我在位十九年豈有不能而待

後世也乃歎曰我百世後未可知也我在無復言○

十一月丁未己酉上命參贊下李良製樂章欲以

封崇之日獻壽上王也詞曰云云現以為初筵獻

壽之歌又作天眷東陲之曲曰云云現以為罷宴之

曲○癸丑御經筵問宋朝名臣事蹟下李良對曰溫

仁謹厚司馬溫公為最王安石先儒以為小人觀其

文章政事與其用心恐未可專以小人目之也上

曰安石小人之才者也○甲寅上以袞冕御仁政

殿奉玉冊金寶上上王尊號曰聖德神功上王

大妃尊號曰厚德王大妃親授上王冊寶于進冊

詞 上王稱美 主上之誠孝亟曰辭位以後吾益

尊矣唱和極歡○丙辰 上謂卞季良曰卿善製樂

章 父王稱嘉賜內厩馬一匹○庚申大司憲許遲

義禁府提調卞季良等請曰孝昌以私心仰瀆日月

之明其罪深重鞫問其情 上王從之○十二月丙

朔 丙戌 上王與 上御寢殿餞平安道觀察使尹

坤都節制使尹子當親餞功臣奉使者自此始孝寧

大君補領議政柳廷顯左議政朴訐右議政李原漢

平君趙涓參贊卞季良禮曹判書許稠兵曹判書趙

末生參判李明德大司憲許遲知申事元肅侍宴○

戊子 上問曰科舉圓點之法何以設乎卞季良許

榘等對曰生員食學稟兩時者爲圓點生員不樂居

齋故立此法滿三百點然後許令赴試季良因啓曰

臣再掌科舉講經之法實爲不可今之儒者拘於口

讀徒以誦習爲業故其氣固滯而短於詞賦且試官

面對舉子豈無私心高麗之時立封繡之法以此也

權近常患此弊上書請罷 上王從之歲丁酉用一

二文臣策復立此法臣以爲射者戲事而人所樂爲

也今京中子弟以文科難以歧及皆趨武科不可不

慮孟思誠曰古有進士科其中者唱名簾前以寵異

之人皆樂爲之今罷進士但有生員試額止一百安
加其額以勸志學之士季良曰鄭道傳始廢進士合
於生員李穡甚恨之 上又曰初場試五經如何季

良曰初場本有五經疑或全舉五經或舉三經或一
經而問之今宜別立初場之法以代講經許遲曰害
於義更張可也無害於義載在六典 太祖成憲不
可改也掌試者若無私心取士安有不正者乎 上
曰大司憲之言甚當季良曰法有隨時而變豈可固
執乎○庚子御經筵 上曰高麗史恭愍以下鄭道
傳以所聞筆削與史臣本草不同處多何以傳信於

後世不如無也卞季良鄭招曰若絕而不傳於世則
後世孰知 殿下惡道傳增損直筆之意乎願命文

臣改撰 上曰然

元年己亥春正月

丙午朔

上壽于

上王宗親議政府

參贊六曹判書以上及大司憲六代言侍宴酒酣

上王起舞羣臣以次上壽迭舞爭進聯句歡極夜深

乃罷當宴 上王語孟忠誠卞季良許稠等曰後殿

真勺其音節雖好其歌詞不欲聞也忠誠等曰 上

旨允當今樂府用其調不用其詞真勺有慢調有平

調有數調高麗忠惠王頗好淫聲與嬖幸在後殿作

新聲淫詞以自娛時人謂之後殿真勾非獨其詞調亦不可用○上王命下李良撰賀皇恩曲將以宴使臣也序曰云云詞曰云云上俱見○丁巳義禁府提調下李良等請朴信到遼東聞趙忠佐漏洩幾事不卽首告之罪上王曰今有大功勿論○二月丙子朔戊寅命參贊下李良禮曹判書許稠等開生員試于成均館遣右副代言崔士康奉御寶宣醢往成均館○壬午下李良許稠請復進士試不允○戊戌下李良啓東堂初場講經之法乃我太祖成憲也然舉生以面講不中爲慚憚於學問就武舉者多此實有

乖於國家興學取士之義置師傅於成均分遣教官
於鄉學春秋教以禮樂冬夏教以詩書而臣請以製
述取士 上曰然當更議之 上問諸代言皆曰不
可遽罷獨柳穎曰講經不如製述之興起斯文 上
曰使舉生不得聚頭通議則製述爲佳○五月朔乙巳
庚辰卞季良以旱甚請復圓壇祭天之禮 上曰僭
不可行也季良對曰諸侯不可祭天禮固然矣聖人
垂訓亦以爲不可近者周倬奉使而來謂我國人曰
聞爾國祭天以人事言之爾國設饗禮以請朝廷宰
相容有許可至如天子雖請以誠豈肯降臨爾國乎

於是始廢然以臣所見莫如祭之前朝二千年相承
祀天况本國地方數千里不比古者百里諸侯之國
何嫌之有 上曰豈可以地方數千里遂僭天子之
禮乎李良復啓曰臣以謂行之爲可何則沂水之邊
有祭天禱雨之處然則此禮古亦有之常祭則不可
因事而行猶爲可也今當大旱亦無所妨祭之何嫌
乎 上然之命擇祭天之日○六月甲戌庚寅禁大
小使臣姦官妓時議政府六曹以平安監司尹坤所
啓共議皆以爲行之已久不必禁也惟朴嘗以爲安
從坤請下李良固請仍舊以副衆心 上曰其來雖

久豈是美俗况其有夫之妓乎可從坤請○辛酉京
畿監司李迹報今審早穀并審科受私田卞季良啓
雖使并審私田誰肯用心檢踏乎歲丁酉己行此法
乃以不中命他委官使之夏審而其失中者皆杖一
百若凶年則并審私田豐年則許田主自審而或失
其中罪之可也趙末生啓若凶年并審豐年許田主
自審是凶正其稅而豐使橫斂也實非中正之道不
可行也當遣敬差官時命公私田一以中正踏驗私
田收稅之法庶得平矣元肅啓今隔一畝一爲公田
一爲私田其收稅多少大相不等百姓怨咨田主雖

卷之五

橫斂其細戶俛首聽從之不暇豈敢自訴 上曰然

○戊辰御經筵講春秋至秋大水胡傳後世有人爲不善感動天變名水溢之灾者必引堯爲解誤矣

上曰如此者必多矣人臣有喜言祥瑞者有喜言灾變者專言祥瑞而不及灾變是豈可乎值祥瑞則言祥瑞遇灾變則言憂懼可也卞季良啓曰人主不可喜祥瑞而忘灾變憂灾變而略祥瑞也○八月

癸酉朔

戊子義禁府提調卞季良等詣壽康宮啓昨承命鞠朴實敗軍之罪實供稱李從茂初令三軍三節制使皆下陸而戰後變令三軍節制使各一下陸實執籌

乃下賊強我弱再報請救從茂不聽柳濕朴礎等亦
不下救故見敗臣等謂非特朴實之罪從茂濕礎皆
亦有罪請并贖之 上王曰朴實敗軍之罪固所知

也若以法論則廷顯爲都統使不卽收實請罪是亦
有罪今罪張蘊以誣告而賞諸將又下廷顯從茂於
獄無乃有愧於國人乎况東征勝多敗少乎後日之
事亦不可不慮也若爲大舉之計亦宜用權然吾豈
以此終不治其罪乎今實當以功臣之子免之○九
月癸酉朔丙午先是卞季良承宣旨撰樂天亭記以進
命權弘書刻板懸于亭記曰云云親原○壬戌上

卷之四

命藝文館大提學柳觀議政府參贊卞季良等改修
鄭道傳所撰高麗史○戊辰 上再朝壽康宮三議
政及卞季良許稠等議喪禮三議政及趙末生據鄭
康成之言以爲 主上於 大行上王孫之行也
上王率百官當服斬衰二十七日 主上當服齊衰
十三日卞季良許稠啓曰 兩上率羣臣皆當服斬
衰昔宋孝宗崩光宗病寧宗當服喪文公勸寧宗代
父行斬衰三年之禮寧宗從之及光宗病瘳御史胡
紘奏曰光宗病愈宜行喪如法以寧宗行三年之喪
爲非遂使寧宗不終雖寧宗從胡紘奏而中變卽吉

異彼僧徒常近婦女豈能不犯乎吾曾立法使僧徒
不得役婢子爲此也其令奴子輪番八役可也又有
上策只給土田革其奴婢安有此弊僧徒雖親執薪
餌亦可也諸臣皆出命留柳廷顯朴嘗李原下季良
許稠趙末生元肅辟左右曰革寺社奴婢予素欲也
但恐此屬逃入中國生變如尹義李初之事以是未
果頓革反令勿役以慰其心今乃自取又誰怨乎宜
令臺諫上疏政府六曹亦宜請之下季良曰宜只革
婢子李原非之上亦不允○庚午 上王與 上
御內殿引見柳廷顯朴嘗李原下季良趙末生許稠

終不能自明及寡人初年賤上黨君李停于外方有一僧逃入上國告之過實今皇帝亦信之語本國使臣曰爾國王殺了親的後久備知寡人心地乃悟告者之誕又皇帝聞本國招安野人賜之紗帽品帶及其還則以帶帽繫於馬脅之事哂之如此之類全是遲之徒逃入上國虛辭交構之使然也且東北兩界境連上國人之逃入也甚易况僧徒之逃入又易於平民乎今者皇帝深信浮屠勝於蕭梁名稱歌曲之誦遍於天下空花佛象之瑞播於圖畫一時俗尚靡然趨之而我國則前既革云寺社田民僅存十一

教矣還給奴子則不可但京中之寺依住僧徒率皆兩班子弟負薪汲水必有怨咨可量給奴子以慰其心肅與李良等偕就三相第密議○丙申卞季良奉教製賀聖明歌三章以進曰云云進口號曰云云詞曰云云退口號曰云云俱見命下禮曹被之管絃

二年庚子春正月

庚子朔

戊申

上王問曰慶尚全羅

道船軍擇無才者撥屬侍衛軍如何朴嘗卞季良曰須先實侍衛軍然後當慮船軍不可撥定也柳廷顯曰倭寇可慮當撥定以備不虞○己酉 上御廣延樓下 上問誓戒之義卞季良對曰不犯深不縱酒

不茹葷收放心也古者誓戒于三司今也誓戒于議
政府以政府百官之首故也金漸啓曰齋戒宰相皆
聚于議政府則禮賓無奔走饋餉之勞宰相亦安心
定位且今議政府不坐本府使大廈空曠莫若聚議
政府也卞季良啓曰議政府雖不坐本府乃百官之首
不可雜處也且入清齋者須居靜處以收放心不可
羣居共坐談笑喧譁也上曰然金漸啓禮賓寺虛
竭且提調猥多不視職事只率跟隨而已季良曾爲
本寺提調故辨之不得漸又啓豐儲倉官秩卑宜以
三品官差下季良以爲不可上然季良之言○問

以備顧問○丙戌御仁政殿發策覆試金汝等三十
三人恩賜三人吏科一人亦預焉讀券官李原卞李
良許稠對讀官權蹈藝文直提學成槩○夏四月妃
朔己未遣權趾元肅及柳廷顯卞李良奉宣醢餞使
臣于碧蹄驛○己巳 上王及 上置酒于別殿柳
廷顯朴晝李原鄭易許稠趙末生卞李良申商李明
德李之實元肅等八侍進獻使通事金時遇全義回
自北京言皇帝怒進紙奏不填日字故不敢進請免
金銀奏本 上王曰請免金銀此其時矣若此時請
不得後來必以此爲據空備細布因事進獻須臾請

時享獻獻懿二祖附于德明興聖廟後祭禮未有所
考太祖之後祧遷之主依歷代之制藏諸西夾室只
於祫祭與享不可與別立四祖殿同許稠又議宋別
立四祖殿以奉追崇之祖歲令禮官薦獻三年一祫
先詣四祖殿行禮太祖以下祧遷之主藏諸西夾室
每遇祫享合食於太祖之前今既依宋制別立永寧
殿以奉追崇之祖其永寧殿及太祖之後祧遷之主
祭享疎數奠物豐殺一依宋制 上命遷廟只於春
秋大享其牲牢祭品視宗廟○庚戌 太上王謁
健元陵 上如中良浦設幄殿以迎張樂置酒孝寧

王繼嗣不可不廣與三議政及大司憲成淸司諫沈

道源等選可爲嬪媵者二人以聞○五月丁巳朔上

在新宮 太上王疾劇 上憂懼命參贊卞季良前

大司憲金自知奉常少尹鄭宗本供正庫副使李通

以星曜法卜其吉凶○丙寅以議政府參贊卞季良

吏曹參判元肅爲嬪殿都監提調○丁卯延嗣宗卞

季良啓曰 殿下自侍疾以來至今不進膳恐傷聖

體 上曰昨日政府六曹請之卿等今又請之予當

夕而聽夕奠後政府六曹咸進涕泣啓曰聖人垂訓

有曰無以死傷生願 殿下節哀進膳以全大孝

上乃進淡粥小許日止一次○壬午 上以皇帝北
征當遣人問起居而以方在衰經令政府六曹擬議
以聞皆云不可以私喪廢君臣之禮空稱王用印一
如常例下李良許遲以爲依中朝易月之制於二十
七日後遣使 上曰於奏本稱國王用印於禮部議
政府呈狀○命夏議欽問起居事柳廷顯李原鄭擢
許稠李之剛李孟昫承文院提調韓尚德等議 殿
下雖居衰經欽問事重恐不可稱哀子稱王用印一
如常例後日如有解送逃來人口事令議政府申達
則朝廷知以欽問時稱王用印者重其事也下李良

議曰 殿下不用易月之制於卒哭前不釋衰服其
後尚且權免視事而朔望祭及凡干喪事皆著衰服
以終三年是則山陵之前不可稱王用印顧皇帝起
居不可不問蓋不可以私喪廢君臣之大禮但於奏
本不可稱王唯稱孤子似亦不背於理遣使若在二
十七日之後則稱王用印以據天下古今定制亦何
害於義哉 殿下於所當擅僞之事不用易月之制
羣臣亦皆則效以至卒哭獨於欽問一事權從易月
之制稱王用印如此則忠孝兩得元肅議曰奏本稱
王用印於禮部遼東令議政府由呈似有未僞山陵

前凡有奏啓皆稱孤子於禮部遼東政府印呈則可
矣於奏本既稱王用印則禮部遼東亦當稱王用印
而以二十七日後填日乃從廷顯等議○辛丑議政
府禮曹因許稠上書議國葬儀仗以聞領議政柳廷
顯禮曹判書李之剛參判李孟昉等請用大駕儀仗
左議政李原曰宋至道三年太宗之喪有司請大駕
儀仗鹵簿萬八千九百三十六若全用其數則慮山
道近隘車騎填委望加裁定詔用其半然則前此用
大駕鹵簿之數明今山陵之路非近且隘請用大
駕儀仗右議政鄭擢請用太祖國葬時吉仗參贊

卞季良曰前者禮曹啓云 大行 太上王喪葬之

制一依 元敬王后喪制事已施行呈報政府臣始

知之君王之喪豈可援引后妃之例書之史冊傳之

後世禮曹及政府大臣咸以謂宜更啓請用 太祖

及 恭靖大王喪葬之制臣謂 恭靖大王之喪儀

仗之數減於 太祖二分之一或三分之一龍扇鳳

扇等物是已今宜從 太祖喪葬之例若 太祖時

未備而詳具於 恭靖之時者當從 恭靖之例以

至 元敬太后之喪不關后妃而可采者采之臣之

志也蓋 太祖之時大作佛事及至葬也佛儀甚多

次易服而還許稠等啓不必親幸不允領議政柳廷
顯左議政李原大提學卞季良判漢城吳陞等亦啓
曰大抵病加於小愈今殿下恃其小愈力疾而行
誠爲未便請停親行 上亦不允曰若病未差予豈
不知大體而強之○六月甲辰丁未召領議政柳廷
顯星山府院君李稷左議政李原大提學卞季良吏
曹判書許稠禮曹叅判李明德使知印事郭存中傳
教曰今觀所上社廟儀註當社廟日於廣孝殿出
太宗 王后兩位神主時卽行奠禮安位板予惟社
廟之日其重專在社廟而欲以考妣之神先安於原

廟然後次行祔廟之禮則誠敬未專甚爲不可且奉
神主祔廟後卽還廣孝殿遂行奠禮奉安位板則似
乎適中然予當舉之日夜分而起先詣原廟行動駕
祭奉神主祔廟後又還原廟奉安位板則非獨予之
倦怠百官有侍從煩屑勞予以爲當祔廟之日親奉
神主祔于宗廟命臣於原廟攝行奠禮仍安位板訖
更待祔廟後擇日親祭何如卿等其議以聞廷顯等
皆曰攝行可矣卽命禮曹以此節次修儀註以進
上又傳教曰嚮許稠言歷代帝王謚號三代以上皆
以一字如文武成康是也至後世唐宋及本國高麗

王氏皆加上尊號或十餘字或二十餘字美號有限而互相追崇故名實不孚予亦以爲不足貴也今於母后亦加上徽號乎恐元敬之外更無以加廷顯等曰上教善矣然本朝宗廟四室以上皆上徽稱今太宗王后則當百世不遷宜倣太祖神懿王后例加上尊號若後世當從稠議上曰然○甲寅星山府院君李稷吏曹判書許稠等議一敬王后加上尊號后於神主無進書之例且神主改造古制所無只於祭文祝文具書加上尊號一加上尊號前期一日於廣孝殿當行預告祭祭式依朔望

例一加上尊號玉冊奉獻時祭儀若依別祭例則嫌
於援尊安從朔望例於 太宗大王前用朔祝 太
后前用別祝讀玉冊藝文館大提學卞季良議加上
尊號玉冊奉獻時祭例依文昭殿 神懿王后忌辰
兼祭 太祖例宜於朔祭用有名日別祭儀餘同稷
等議命用季良議○甲申前此大提學卞季良上議
曰爲之後者爲之子古也恭惟 太宗爲 恭靖王
之后則 太宗乃 恭靖王之子也今 殿下於
恭靖當孫而遷 翼祖於永寧也無疑云云○丙申
賜藝文館大提學卞季良禮曹參議成槩鞍馬領敦

寧致仕權弘馬季良撰 獻陵碑文槩書弘篆額○
癸丑進讐校高麗史其序文曰恭惟我 太祖開國
之初卽命奉化伯鄭道傳總修高麗國史於是採撫
各朝實錄及檢校侍中文仁公閔漬綱目侍中文忠
公李齊賢史略侍中文靖公李穡金鏡錄彙而輯之
倣左氏編年之體三年而成爲卷三十有七顧其書
頗有舛誤至於凡例以元宗以上事多譖擬往往有
所追改者我 主上殿下聰明好學留心典籍乃命
右議政臣柳觀藝文館大提學臣下季良及臣淮等
重加讐校正其訛謬知春秋館事尹淮所撰也○冬

先入送詔勅開讀後更以感激之意別遣一使意謂
兩全景云皇帝聖旨朝鮮雖外國讀書且結親之國
詔勅兩使雖一時發行入朝鮮境各行欽此出來進
杏陳慰節次前日已言之矣三使去留任意爲之卽
出上馬副使陳善云我等於朝鮮之禮何事不知已
遣進杏陳慰使又遣人奏聞豈不重疊又云我等回
還若奏此事王賢及遼東豈得無事遼東大小臣民
皆素衣素饌得年之所親見又瞻頒降令諭而來本
國由此得聞前此賀平定北方及祥瑞等事皆聞於
遼東遣使進賀已有故事善云吉凶有緩急得爲而

不爲不得爲而爲之皆非禮也汝朝鮮讀書知禮禮
貴得中過猶不及也存中曰大人之言似是而非聞
皇帝賓天以臣子迫切至情卽行進香陳慰愚意此
乃得中使臣云汝言亦似是而非三使行止任自爲
之卽出上馬 上召領敦寧柳廷顯左議政李原右
議政柳觀贊成黃喜大提學卞季良吏曹判書許稠
參贊卓楨禮曹判書申商刑曹參判河演戶曹參判
睦進恭議之卽遣奉常尹鄭旅問喪制及迎勅儀於
使臣○十一月壬申朔丙戌召大提學卞季良曰故老
漸稀不可無文籍本國地志及州府郡縣古今沿革

寅下二月充修撰官以下各入史草京中限乙巳年
二月京畿忠清黃海江原等道三月晦日慶尚全羅
平安咸吉等道四月收納其有未納者依前例子孫
禁錮徵白金二十兩先是上與李原柳觀卞季良
等議曰自己亥至壬寅予雖在位其間國政予皆稟
太宗而後施行無寡人自擅之事其四年史草欲
皆收納載之太宗實錄何如皆對曰可上又曰
自今史官身死之後史草卽皆收納慮史官子孫年
久或失之也季良聞命議於諸史官皆曰不可今
太宗實錄修撰猶恐其太早況又收納當代史草乎

政柳觀資成黃喜大提學卞季良就職○夏四月庚子
朔辛丑大提學卞季良製華山別曲以進其詞曰云
云現命載諸樂部用之宴饗○庚申議政府六曹採
擇各品陳言以啓藝文大提學卞季良等十人陳言
今我 殿下令政府六曹臺諫日陳庶事以資治道
可謂廣聰明而達下情矣然皆未能從容詳密以盡
羣下之情且旋進旋退吹竽混真者或有之矣唐宋
盛時皆有輪對之法是不獨廣聰明而無壅蔽之患
羣臣之賢否亦難逃於聖鑑矣乞依古制令四品以
上逐日輪對益廣言路以盡下情以察羣臣邪正幸

上曰予欲除弊而慮不及此卿等之言甚當又曰觀
各道雨澤之報外方則雨澤足矣而獨不雨於京城
恐或上天有爲而然也且政事之間猶恐有可疑之
事以孟溫之事觀之諸宰相初則皆以刑曹所啓爲
是及臺諫論請又以刑曹爲非臺諫爲是其所爲是
爲非別無他意一人曰是而衆以爲是一人曰非而
衆以爲非予以爲此不致精思雷同之弊也舉此一
事可知其他政事之失豈可謂必無其各勉思弭災
之等悉陳無隱矣曰聖上恐懼修省爲曰已久政
教雖令意謂無失臣等向於未言之曰尚未講救旱

十年戊申二月

癸丑朔

壬戌禮曹據前銜宰樞所上言

啓本所古無衙門二品以上閒良耆老無所依處散
亂無統雖國有慶事及行幸出入皆不得知殊失人
臣之禮惟我太宗恭定大王卽位之初設立衙門
賜公廨田一百結奴婢五十口書題二十名每當誕
日正至及國有慶事行幸出入之時臣等咸集明庭
以行其禮誠萬世不刊之令典也但號爲前銜宰樞
所實爲未優伏覩詔書及教旨皆曰文武大小臣僚
閒良耆老等前朝亦謂致政宰樞所乞以耆老宰樞
所耆老所二號詳定稱下命下詳定所議之李稷議

上會議左議政黃喜右議政孟忠誠禮曹判書申商
等十六人以爲講經製述不可偏廢宜臨時迭用齊
成權軫戶曹判書安純等五十一人以爲宜用製述
漢城府尹李明德等五人以爲宜依元典設四書五
經齋常時考講升黜試場則試疑義藝文提學尹淮
集賢殿校理權採修撰李先齊等十五人以爲用講
經柳忠訥獨以爲錄姓名時講所讀經書通大義者
許赴試試場則用製述命依製述之議初李良修史
春秋館每語人曰試官於講經之際頗多徇私爲試
生者或其爲親族則講雖不切必掩庇之且試生常

廩居人家雖有宗人相助終不得立祠堂者許令次子立之其長子長孫今雖單弱無依終可立祠堂者次子依經濟六典不能立廟者例擇淨室一間以奉神主待長子長孫立祠堂奉還神主自餘長子長孫雖廢疾者苟有宅舍皆立祠堂至祭時令次子代行依文公家禮祭初就位參神休於他所祭終復位辭神且國俗無大小宗之制乞依朱文公家禮大宗小宗圖惟曾祖之長子孫爲宗營祠堂立神主行祭同曾祖衆子孫詣其家與執事以物相助其有相去遠而不能與祭則依文公家禮只於祭時旋設位以紙

廟標記祭畢焚之又議二室并祔之禮稷稠商啓生
等以爲謹按禮喪服小記婦祔於祖姑祖姑有三人
則祔於親者此言祔廟之禮三人或有二繼也親者
謂舅所主母也唐韋公肅曰前娶後繼并是正嫡則
偕祔之義於禮無嫌朱文公家禮卒哭明日而祔註
云母喪祖妣二人以上則以親者祔臣等竊詳天子
諸侯嫡配嬪媵名分甚嚴嫡配遭喪之後嬪媵雖以
寵幸進位中壺乃前日名分已定之人也傳所謂并
后二嫡亂之本也或有繼世之君出自庶孽欲尊其
母加以尊號先儒所謂反與其父者也至於大夫於

禮得再娶韋公肅所謂前娶後繼并是正嫡者不可
一尊一卑也古禮祖姑有三人者豈不以此歟乞依
古禮二人以上并祔李良以爲三代之時一帝一后
而已自漢以後乃有前娶後繼皆嫡始微終顯皆嫡
也之論肆爲邪說而莫之禁大宋元豐年間有引古
人祖姑三人則祔於親者之文繼爲邪議而用之者
至有以二后三后并祔之說馬臣竊謂三代之制最
爲得正後世儒者乃有推尊時君之母之心援引古
今傳會經傳以飾其說者不可勝言臣伏觀 聖上
出自宸衷特下明旨以一室祔廟二室三室祭享處

命臣等擬議是皆足以破千古儒臣之諂媚鄙陋若
其二室三室祭享處則其所生子設位致祭何如命
名喜思誠季良稠商招等夏議喜季良商等又議士
大夫祭四代之禮以爲宜從元典之制忠誠稠招等
以爲宜從朝廷之制命季良招各述其意招曰有問
於程子曰今人不祭高祖如何曰高祖自有服不祭
甚非某家卻祭高祖又曰自天子至於庶人五服未
嘗異皆至高祖服旣如是祭祀亦須如是朱文公家
禮云爲四龕高祖居西曾祖次之祖父次之父次之大
明公侯品官之家祀先圖列高曾祖禰四位本朝立

六品以上祭三代七品以下祭二代庶人只祭考妣
之法若父爲六品以上得祭三代身沒之後其子無
職只祭父母當撤去曾祖與祖神主及後日除授六
品復作神主勢有難處一從朝廷之制李良曰大抵
儀禮制法自天子至於庶人須有差等此出於天理
之本然非私智邪說所得而撓也朱子傳中庸修其
祖廟之章以爲天子七諸侯五大夫三適士二官師
一或問朱子官師一廟只祭父母不及祖母乃不近
人情曰位卑澤淺其理自當如此實天下古今之大
典今朝廷之制品官祭四代庶民祭三代亦未嘗以

品官混於庶人也然其制與古不合本朝時享之禮
敢得事理之正人情之宜不可得而變也若以父死
子繼被黜復爵之際等論疎濶尤甚蓋立法于其常
而不于其變天下萬事皆然何獨至於神主之作撤
而疑之哉正所謂一笑而揮之者不必深辨也惟朱
子論程子之說爲得祭祀本意者不可不究其旨然
程子冬至始祖立春先祖之祭朱子已議其僭且謂
未見祭及高祖之文則所謂得本意者特論其理耳
其與位卑澤淺理當如此云者自相矛盾故先儒謂
朱子之言一說其分一說其理正所謂理一而分殊

者也古人廟制自有降殺祭祀之禮亦必如之豈可
謂廟雖有等祭則無差也哉古人之意其不出此也
歟矣又況皆不及高曾夏不及祖之說章章明甚矣
乎恭惟 太祖 太宗四十年之成憲實爲有據且
以事理論之彼庶人雖使之祭四代豈能然乎設有
不能又從而刑之可乎若曰庶人雖不能行姑立此
法以示來世則亦非以信待人之道也況欲從家禮
則又與朝廷之制不同一依祖宗成憲無有變夏命
文臣四品以上會議從季良之議者多從招之議者
四五人而已○丙寅 王世子讀尚書畢師黃喜傳

孟惠誠左賓客李孟昫右賓客鄭招右副賓客申椿
等啓請每日熟讀集註十張三遍輔德以下侍講貳
師下李良左副賓客尹淮啓請每日讀集註五張一
遍晝講則輔德以下侍講讀至六遍 上從喜等議
○癸酉 上謂卞李良曰大夫士兩妻祔廟之議卿
以爲不可何也李良對曰大夫士於禮無二妻若其
死亡失德則不得已而改之所以重宗祀也生既不
得畜二妻於一室死豈可并祔二妻於祖宗之廟乎
臣故以爲未可也 上曰卿之此言以義理言之耳
若有古制則豈可不并祔乎天子諸侯則禮無二嫡

先后既薨後妃之子立雖欲尊母而祔廟不可得也
若大夫士之禮與天子諸侯異雖有故改娶既有二
嫡之禮何不并祔乎古文有曰并祔妾族妾族猶祔
況先後妻乎季良曰臣未嘗考士大夫之禮然竊料
仁宗皇帝後妃出也仁宗以嫡母無後先薨欲尊所
生母以祔母其時臣子雜採古禮遂祔之始竄亂古
制時有諍之以爲不可者此真忠臣也若以爲大夫
士有二妻并祔之禮則臣恐後世以爲臣子尚有二
妻并祔之禮況人主乎援以爲證將有如仁宗之尊
母者矣立法一變末流不可遏也 上曰卿言末流

難制此語甚善然儀禮制度聖人之事士大夫二妻并祔之禮若是周公所制則豈可變易乎命詳定所及集賢殿稽古制以聞○冬十月己卯辛巳御經筵

上嘗聞晉州人金禾弑父之事瞿然失色乃至自責遂召羣臣議所以敦孝悌厚風俗之方判府事卞季良曰請廣布孝行錄等書使閭巷小民尋常讀誦使之駸駸然入於孝悌禮義之場至是上謂僕循曰今俗薄惡至有子不子者思欲刊行孝行錄以曉愚民此雖非救弊之急務然實是教化所先宜因舊撰二十四孝又增二十餘孝前朝及三國時孝行特

異者亦皆裒集換成一書集賢殿其主之循對曰孝
乃百行之源今撰此書使人人皆知之甚善若高麗
史藏之春秋館外人不得考閱令春秋館抄錄以送
卽命春秋館抄之○乙未 上曰御膳至重承文院
提調以爲今進獻可無奏本此何謂也小邦進享上
之物可無書乎予以爲甚不可也此無乃卞李良之
說歟右代言許誠對曰諸大臣皆云空載奏本惟李
良曰今此進獻非事之正者可除奏本○十一月配
朔儀禮詳定所啓大小人員行時祭許著紗帽 上
曰前銜亦可著公服乎判府事卞李良曰二品以上

雖前銜詣闕則著金帶紗帽故祭時亦可著三品以下前銜則不得著至祭時而著未可若令著之則與二品以上一例恐無尊卑之分 上曰自今前銜行祭時二品以上則著金帶紗帽三品以下著烏角帶紗帽○ 上謂卞季良曰議者以爲文科三外皆以權知口傳三館待次叙用至七八年乃得去官故老於一館不習世務其他貴家子弟則自少分列各司南行明習吏事終爲可用之才此言然乎季良對曰誠然 上曰予亦然之季良曰文科三十三人卽皆叙用已載元典若用此輩爲各司南行勝於貴家子

第矣然臣竊料文科皆用於各司南行則貴家子弟
有不見用之歎議者亦或以爲取文士專爲文學不
宜用於南行上曰取士欲爲世用豈獨爲文學耶
季良曰上教甚善貴家子弟其父母寵愛之使英
明可學之輩未免弱冠已列於各司南行不學文字
不達事理深可惜也宜使貴家子弟盡赴學待其通
義理就德行然後漸以入官以三館權知用之於各
司南行如是則子弟無躁進之弊儒者售適用之才
上曰子弟之事予亦聞之久矣尚未施行吏曹判
書李孟昉曰臣祖八朝登第見其榜曰卽皆叙用刑

太祖時或有附使臣進獻之例處之何如左議攷
黃喜判府事卞季良曰雖有附獻之例以今觀之似
未可崔得霏致祭其子弟必有謝恩之行附獻何如
上曰三年之喪天下之通喪也昔帝致祭李茂昌
之父茂昌喪畢然後入見受職而還然古文有云子
卽釋服行謝禮若無親子族親與同里入行之則謝
恩不可緩也喜季良曰喪畢入見雖有古例今不當
如是得罪之子則方在喪次其婿可行兼賡石燈盞
偕使臣而獻似可命禮曹判書申商擬議以聞 上
謂喜季良曰前日疏上興學條件已聞回話否季良

曰臣未聞也 上曰古者卿大夫之適子與凡民之

俊秀得入太學今有蔭子弟皆入泮宮則無乃過多

乎季良曰京官三品以上子弟皆入學宮可也 上

曰武科亦賜牌賜蓋賜宴遊街無異於文科判府事

累言其不可然此 太宗已立之法不可輕改但試

取時講四書二經何如喜與季良曰射御之才三千

甲士亦皆能之武科之異於甲士者但以講兵書也

然不過粗通三四書而已如此而與文科無異故士

皆捨文就武今使講四書一經則可矣 上曰授職

之事何如季良曰二十五歲則授職可矣今十八歲

以爲父沒子繼職秩不及撤其神主以待後日之得
官者不過二道曰瘞埋也襲藏也旣埋復作於禮無
文事理亦礙襲而藏之與天子諸侯遷廟之主藏于
夾室似矣然士大夫家廟則無夾室若建別廟則卿
大夫合三代爲一祠堂士於曾祖尚不得祭安得建
廟以奉之若藏於廟一祭一否誠未便若藏於廳事
接待賓客之所若藏於寢房夫婦所居之處或廊或
庫舁下不敬皆非所宜且天子諸侯夾室所藏之主
雖無四時之祭至三年則有祫祭今此襲藏之主致
祭無期如或未得官終當如何孝孫之心事死如生

埋之則已藏而不祭於心何如程子朱子皆以通祭
四代爲禮朝廷亦許品官之家祭及高祖雖不明言
其故豈不以此也哉臣等初議欲從朝廷之制與夫
程朱之說則元典六品以上亦祭止三代故乞令品
官通祭三代者益用元典世代限數而取法通祭之
義也議上令臣等更議又乞依朝廷之制乃下禮曹
令文臣四品以上議其可否議者以世數加於元典
爲更改成憲然臣等竊謂前日之議乃補元典之未
備耳非改也乞取臣等前日所進兩議裁擇左議政
黃喜判府事李良判書申商參判金孝孫等以爲

父歿子繼則父之曾祖於子爲高祖其神主當埋於墓側若子職不相等者將其不應祭之神主重襲以藏以待加職出而祭之何如從喜等議○丙寅詳定所提調府院君李稷左議政黃喜判府事許稠判書申商參判金孝孫鄭招等以爲謹按唐開元禮皇帝時享太廟儀奠爵出戶外立大祝進戶外之右跪讀祝再拜皇帝謁陵儀至寢殿三奠爵當神座前北向立大祝二人持玉冊于戶外跪讀再拜宋郊祀前一日朝享太廟儀設冊案於室戶外之右皇帝奠爵出戶外北向立讀祝官東向跪讀冊文再拜太廟時

享儀祝板各設於神位之右初獻奠爵出戶外北向
立大祝跪讀祝文訖再拜郊祀前二日朝獻景靈宮
儀設祝冊於殿上之西皇帝進酒俛伏興立讀冊官
東向跪讀冊四孟朝獻景靈宮儀皇帝奠酒俛伏興
再拜無讀祝一節每歲春秋仲月太常宗正卿朝拜
祖宗及后陵詣神座前奠酒俛伏興俟大祝讀文訖
再拜降階前朝詳定古今禮時享太廟儀設祝坫於
每室戶外之右奠爵出戶北向立大祝進戶外之右
讀祝再拜朔望享太廟儀各設祝板於坫上置於神
座之右上香酒俛伏興少退北向立祝史持板進神

座之右東向跪讀祝文獻官再拜拜陵儀奠酒三爵
少退北向立大祝持板詣神座右跪讀再拜竊詳唐
宋及前朝之制奠爵後行禮或出戶外或當神位前
祝文或設於神位之右或設於戶外之右或設於殿
上之西未可定從況本朝宗廟戶外窄狹展禮尤難
乞奠爵後行禮皆當神座之前讀祝皆於獻官之左
祝板皆設於神位之右若原廟戶內伏地則古典所
無然本朝常時出入殿內有伏地原廟多用平日之
禮仍舊何如判府事李良議宗廟用古禮原廟用
俗禮古人有是言也我太宗嘗曰宗廟以神道事

不以德也 上曰暫見之餘何以優知其德既未能
優知其德又不以容可乎宜巡往處女之家擇其可
者更聚昌德宮選之僉曰可○十一月癸卯癸丑禮
曹啓言者以爲前此京外祭享靈驗處革祭不祀未
優顧自今訪問山川奇巖龍穴社寺等靈驗處設祭
室及位板每四仲吉日遣使行禮命議之卞季良曰
此蓋祖述周公咸秩無文之意誠有理矣然擇其不
可廢者而行之命從所議

十二年庚戌春三月

壬寅朔

癸丑右議政孟思誠禮曹

判書申商知申事許誠等回啓使臣求毛衣席子甚

勤答以有聖旨難聽使臣怒不接見 上曰卞季良

云從權與之可也卿等以爲如何忠誠曰天氣甚寒

贈以毛裘似可商誠皆以爲不可乃止○夏四月梓

州丁亥判右軍府事卞季良以病辭從之仍傳旨曰

卿受重任病未治事故欲免職事予豈以卿爲簡員

而允之乎卿其安心調理○癸巳判右軍府事卞季

良卒季良字巨卿號春亭密陽府人王蘭之子自幼

聰明四歲誦古詩對句六歲始綴句十四中進士試

十五中生員十七登第補典校注簿累遷司憲侍史

歷成均樂正直藝文館司宰少監兼藝文應教直提

學

學丁亥重試擢乙科第一人特拜禮曹右參議己丑
進藝文館提學乙未大旱上甚憂之李良上言本
國祭天雖云非禮事既迫切請禱圓壇卽命李良製
文以祭之丁酉拜藝文大提學明年轉禮曹判書卽
遷議政府參贊又明年倭奴侵我南鄙多殺掠大
宗取李良之言議征討丙午判右軍都摠制府事至
是卒年六十二卽間輟朝三日命收司致祭賻及棺
東宮亦賻米豆并三十石謚文肅勤學好問文執心
浚斷肅李良典文衡幾二十年事大交鄰詞命多出
其手掌試取士一以至公盡革前朝冒濫之習論事

凌疑往往出入意表初娶鐵原府使權總之女又娶
吳氏死又娶都摠制使朴彥忠之女妾子曰英壽○

丙申命左議政黃喜右議政孟思誠監修 太宗實

錄前此卞季良專摠修史素多疾病未能早暮其居
第在興德寺傍故移史庫於興德寺至是季良卒故

命喜等監修移史庫于議政府○五月

庚子

丁巳

上謂檢討官權採曰卞季良嘗獻議 太宗曰請於

集賢殿員擇敏者一二人令究庸學輯繹或問其一

則權採爲可 太宗慮其久讀兩書則恐失他書竟

不從及予卽位又請令若等讀書予亦慮其兩失然

季良精於學問豈無所見乃允其議若等讀書已久

庸學熟乎否季良又言權採等自賜暇讀書之後聽

其談論殊異昔日採對曰庸學則從季良之言讀至

三載自前年春始論孟與五經然臣性本不敏未能

精熟○六月庚午朔甲申賜祭于判府事下季良教曰

云云現○乙酉王世子遣官致祭于貳師下季良

云云現○冬十月戊辰朔庚申上曰李崇仁之才權

近下季良皆溢美之初修高麗史之時削近救崇仁

之文近季良之改撰也還書之然其事過情此事亦

未成之書若改修之則當削之近作陶隱集序稱譽

之又書追贈之意乃虛事也季良問於近曰何以不
追贈之事答云今以追贈書之則後必追贈以甚失
言季良亦稱崇仁曰賢太宗覽之曰溢美矣

十六年甲寅春正月

己卯朔

癸丑

上曰昨日諫院上

疏曰今年各道凶歉外方侍衛牌勿令番上其意善
矣然予以爲不可軍士國家所重也昔卞季良言於
予曰軍士以練習爲貴不可不常常侍衛也如有請
除番上者願勿聽反加罪責予當其時反以其言爲
非今更思之其言果有見也

仁祖實錄

三年乙丑五月

壬寅

壬戌成均館啓曰學宮興廢實

係國家崇儒重道之舉

太祖大王開國初首建本

館以重文教越九年庚辰失火

太宗大王三年丁

亥卽舊基而新之其時臣卞季良受命序其事因爲

銘之於石垂示二百年之久今當仍刻卞季良所撰

之文矣但壬辰之變本館盡爲灰燼碑石亦爲破碎

其後廟宇雖得重建而此碑不立故學宮興廢始末

泯然無徵三十餘年後重立舊碑尊先聖重吾道似

有待於今日或跋或記以垂將來不可已也撰文及

書碑寫篆三事必以興望所歸之人爲之然後可無

虧欠令該曹議大臣定奪議于大臣則左議政尹昉
右議政申欽以爲卞季良所撰之文在二百年之前
今將重建立石年月似當以天啓書之矣後之觀者
不知曲折而興廢始末乃斯文重事不可不記依舊
館啓辭叙其大略勒之碑陰爲當至於撰述書寫之
人抄啓乃該曹事耳從之


春亭先生續集卷之四

我先祖春亭先生原集五冊其始 英陵命刊于慶
尚監營又有居陀章甫重刊于屏巖書院 朝家之
寵錫士林之崇慕於是無憾然以先生華國大手主
文柄如彼其久著述之富必不止此而子姓不振焚
禍存結零金瑣玉末由盡收僅存一齋於全昆寔不
肖所茹痛也今攷 列朝秘史且徬搜得略于頁編
續集二冊付劖剛公諸世此曷足以少償宿願乎惟
益廣致搜獲成完書則濟有望於後來君子是役也
族叔鍾台昌夏允有力焉不可不書也

十七世孫子星謹識

卷四 先生雜著

五



金華山志

卷一